



U ranim jutarnjim satima u Luku Kotor je uplovio luksuzni kruzer "Queen Elizabeth" duzine 293 m, sirine 32,3 m, BRT-a 90901, sa 16 paluba i plovi pod zastavom Ujedinjenog Kraljevstva.

Brod je u vlasnistvu cuvene britansko-americke brodarske kompanije Cunard koja posjeduje i brodove "Queen Mary 2" i "Queen Victoria". Ova kompanija jedna je od najuglednijih u svijetu lusuznih putnickih brodova i ima bogatu istoriju koja seže još u davnu 1839. godinu kada je njen osnivač Samuel Cunard dobio ugovor sa britanskom kraljevskom poštom da uspostavi redovan putničko-poštanski brodski servis preko Atlantika, povezujući Britaniju i SAD. Kompanija „Cunard“ je narednih više od stotinu godina bila jedna od najuticajnijih na transatlantskim rutama.

Aktuelna "Queen Elizabeth" treći je brod koji nosi to ime u floti "Cunard" , a na ceremoniji održanoj 11. oktobra 2010. godine u Sauthemptonu kumovala joj je Kraljica Elizabeta. Samo par dana prije toga, ovaj impozantni brod završen je u italijanskom brodogradilištu Fincantieri Monfalcone blizu Trsta, po cijeni od preko 560 miliona dolara.

Dizel-električni pogon ukupne snage skoro 88 hiljada konja, preko dva azipoda, brodu daje

impozantnu maksimalnu brzinu od skoro 24 čvora.